

**ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE SANIDADE, SERVIZOS SOCIAIS, FAMILIA, DEPENDENCIA, MAIORES, IGUALDADE E MOCIDADE, O DÍA 23 DE XULLO 2013 ÁS 13:30 HORAS.**

Sendo as trece horas e trinta minutos (13:30) do día 23 de xullo de 2013, reúnese en sesión ordinaria convocada ao efecto a Comisión Informativa Permanente de Sanidade, Servizos Sociais, Familia, Dependencia, Maiores, Igualdade e Mocidade, coa asistencia das/os concelleiras /os que de seguido se indican.

**Concelleiras/os asistentes:**

**Vocais:**

**Grupo municipal popular**

M<sup>a</sup> Carmen Verde Leboráns

**Grupo municipal socialista**

M<sup>a</sup> Isabel González Cancela

Francisco Villaverde Marcos

**Concelleiras/os non adscritas/os**

M<sup>a</sup> Pilar Candocia Pita

Xosé Anxo Doval Rey

Manuel J. Ferreiro Santiago

Alfonso Rey López

María González Gómez

Emilio Martínez Carballeira

Ramón García Argibay

**Presidente:** Don Santiago V. Amor Barreiro

**Secretaria:** Dona Rosa Ana Prada Queipo.

Asiste a concelleira delegada de Medio Ambiente, Sanidade, Cultura, Deportes e Benestar Social dona **María Eugenia Martín Vicente**, para os efectos de informar á comisión sobre as cuestións que se plantexen en relación ás materias correspondentes á súa área.

**ORDE DO DÍA:**

**Punto primeiro.- Aprobación, se procede, de actas anteriores.**

A acta correspondente ao 21 de xuño de 2013 resulta aprobada por maioría absoluta, coa abstención de dona María González Gómez e don Francisco Villaverde Marcos por non ter estado presentes nesa sesión, e o voto favorable do resto dos asistentes á comisión.

**Punto segundo.- Adhesión ao Convenio para a creación dun fondo social de vivendas.**

O señor presidente da comisión don **Santiago V. Amor Barreiro** expón substancialmente que na comisión para os desafiuzamentos se informou deste asunto, cedendo a palabra á concelleira delegada de Medio Ambiente, Sanidade, Cultura, Deportes e Benestar Social dona **María Eugenia Martín Vicente**, a cal, substancialmente, explica que se trata de adherirse a un convenio suscrito entre o Estado e a Banca para que esta última poña a disposición as vivendas que ten baleiras para que podan ser ocupadas a través dun aluguer social

Intervén o concelleiro don **Xosé Anxo Doval Rey** para interesarse por varias cuestións relativas ao asunto, respondendo a señora **Martín Vicente**,

substancialmente, que no convenio están establecidos todos os extremos, como os destinatarios, os prezos, etc.,

Intervén a concelleira dona **Pilar Candocia Pita** para manifestar o apoio do seu grupo a este asunto, salientando a satisfacción de poder encauzar un problema social como este cuns prezos de alugueiro de 150€/mes, que doutro xeito non serían posibles.

Tras un breve cambio de impresións o asunto é ditaminado favorablemente por unanimidade.

**Punto terceiro.- Aprobación inicial da modificación do Regulamento de servizo de axuda no fogar.**

Informa o señor presidente da comisión don **Santiago V. Amor Barreiro** que este asunto está vinculado á aprobación anterior da ordenanza, intervindo a concelleira delegada de Medio Ambiente, Sanidade, Cultura, Deportes e Benestar Social dona **María Eugenia Martín Vicente**, a cal, substancialmente, manifesta que se trata da adaptación ao decreto da Xunta de Galicia, sobre o que non existe marxe de manobra.

Tras un breve cambio de impresións o asunto é ditaminado favorablemente por maioría simple co voto a favor dos membros do grupo municipal popular e a abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e corenta e cinco minutos do día de referencia de todo o que eu como secretaria certifico.